

آئونه شرائطی : هریر ایچون
سنه لکی (۲۷۵) آلتی آیلنی
(۱۵۰) خار ج ایچون سنه لکی
۳۲۵ غروشدور .

نسخه سی ۵ غروشدور .
ایکی نسخه برآراده
(۱۰) غروشدور
سنه لکی ۵۲ عددور .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسلكه موافق آثار مع الممنونه
قبول اولنور . درج اینله یین
یازیله اعاده اولنماز .

الکتابخانه

۱۳۳۰

آدره من تبدیلنده ایریجه
۵ غروش کوندربلملیدر .

مکتوبلرک امضالری واضح
واوقوناقلی اولسی و آبونه
صره نومروسنی محتوی
بولونغسی لازمدور

ممالک اجنبیه ایچون آبونه
اولانلرک آدرس لرینگ
فرانسزجه یازلمسی رجا اولنور .

پاره کوندردلیکی زمان نهیه
داثر اولدینی بیلدیرلمسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

برلین جامع شریفی

(برلین) دن (موزینگ پوسٹ) غزنه سنه یازیلور :

برلینده شارلوتنبورغه برجامع شریفک وضع اساس رسمی اجرا ایدلشد. مراسمہ دین اسلامی دنیانک هر طرفه نشر و تعمیم غایه سیله تشکّل ایدن «احدیہ» جمیعی ممثلی مبارک علی نام ذات ریاست ایتشد. حاضرین میاننده توزکر، مصریلر، ایرانیلر، هندیلر، یوسیه حکومتک و برلین و شارلوتنبورغ بلدیہ لریٹک ممثلاری حاضر بولونمشلردر.

مبارک علی نطقی انکلیزجه ایراد ایتش و منسوب اولدینی جمیعه معارض بعض مصریلر طرفدن بر قاج دفعه ل سوزی کسینلشد. نهایت مصریلردن بر جوئی مراسم محلی ترک ایله کیتمشلردر. بونلردن بری شویله باغیرمشدر: «بو آدم بیچون منفور انکلیز لسانیه نطق ایراد ایدیور. سوبلدیکی سوزلر هب یالاندر. بو برجامع ذکّل بر انکلیز باراقه سی اوله جقدر. انکلیز پاره سیله یاییلور.» بوجاده مختلف جمیعات اسلامییه منسوب حاضرین آره سنده قیل و قال موجب اولش و بولیسک مداخله سیله عربده بی چیقارانلر اخراج ایدلشد. برلینده کی مصرملیت پرور فرقه سی جمیعی آلمان غزنه لرینه بروجه آتی برورقه کوندرمشدر.

«احدیہ جمیعی انکلیز مستملکات سیاسی تعقیب ایدن انکلیز و هندیلردن مرکب برغرویدر. انکترده بویکی دینی غرویلر عالم اسلام اوزرینه قوتلی بر نفوذ یوروتمک صرف مساعی ایدیورلر. احدیہ فرقه سی ده ادوغریسی انکلیز حکومتی شمدی آلمانیا ده کی مسلمانلر و انکلیز پروپاگانداسی یاغی مقصدیله بوراده برجامع شریف انشاسنه تشبث ایتدی. ملیت پرور و مسلمان صفتیله بونهلکلی حرکتی قارشی دیندا شرمز ایقاپ ایتکی وظیفه عد ایدیورلر.»

حرمین شریفینی مدافعه

(قاہرہ) ده منتشر (الاخبار) رفیقمرک ۲ اغستوس تاریخی نسخه سنده اوقوندیغنه کوره (حرمین شریفینی مدافعه) جمیعی عقد اجتماع ایدرک خلیفه مسلمین حضرت لرینه، تورکیا بویوک ملت ریئسی غازی مصطفی کمال پاشایه، استانبول غزنه لرینه آتیده کی تلغرافنامه بی کوندرمکه قرار و برمشلردر:

«احراز اولونان مظفریت عسکریه، وائی تعقیب ایدن صالح ظفری و عالم اسلام شرقک برلکینی و حقک احقاقینی تأمین ایدمک چک آیت الهیه اولدیفکزی اثبات ایتمکده در. جناب حق اکسیکلکیزی بوسترمه سین. وسزک همتکیزله ارکان اسلامی، بالخاصه حرمین شریفین ایله مسجد اقصایی حفظ ایلسین.»

متعاقباً ممالک اسلامیہ دن آلتان مکتوبلر اوقونمش، بونلرک هپسیده مسلمانلرک برلشهرک کعبه مکرمه بی وروضه مطهره بی هر هانکی، برحمایه اجنبیه تودیعی ایدمک مایهتده اولان معاهداتک عقامته دوچار ایدلماسی ایچون هر درلو تشبثانده بولونماسینی ترویج ایتدیکی اراضی مبارکه اسلامیہ بی آنجق امیرالمؤمنین حضرت لرینک، یاخود تصویب خلافت پناہیلرله تشکّل ایدمک بین المسلمین بر هیئتک اداره وحمایه ایدمک و بو هیئتک مرجعی مقام خلافتک استنادکاهی اولان حکومت اسلامیہ اولدینی خصو صنده مسلمانلر متحد الفکر بولوندینی اکلانشلشد.

قبریسده قربان و صلح بایرامی

صوک بوسته ایله آلدیغیز قبریس غزنه لر قریبان و صلح بایرامنک لفقوشده ناصیل حرارتله تسعید ایدلدیکی آکلایورلر. تموزک یکریمی دوردی بایرامک ایلاک کونی اولدینی جهتله کیجه ساعت اوچدن اعتباراً طوب آتیلمایه باشلامش واهالی آیاصوفیه جاممنده طویلانشلردر. خلق اوکلدن صوکرا سرای اوکی میداناغنده اجرای شادمانی ایتش، فقیر مکتبلرله یاردم جمیعی طرفندن روزہ تدر توزیع ایدلشد.

رابطه شرقیه جمیعی

(رابطه شرقیه) نامیله مصرده تشکّل ایدن برجمیتک نظامنامه سی اخیراً آلدق. جمیعتک هدفی شرق اقوامی آره سنده کی روابطی تحکیم، شرق مدنیتی، شرق فضائلی احیا، شرق روحنه موافق اولان غرب ترقیانی اقتباسدر. جمیعت علمی و اقتصادی وسائل ایله هدفه وارمغه چالیشیر و مقاصدینی تحقق ایتدیره چک نشریاته اهمیت ویرر. جمیعت هر اوج سنه ده عمومی بر شرق قونفره سی عقد ایدر. بو قونفره شرقک هر طرفدن جمیعت انتساب ایدمک ذواتک مرخصلردن تشکّل ایدر.

قونفره نک باشلیجه هدفلری، اصطلاحات علمیه بی توحید، اسلام یازیسی توحید، شرق ممالکنه مسکوکات، موازین و مقایس کی تجارت و معاملات لازم اولان وسائلی توحیددر. بو جمیعتک مؤسسلی مصرلی احمد ذکی پاشا، مصر محاکمی رؤسائندن صالح جودت بک، مصر دارالفنون مدرسلردن دو قنور محبوب ثابت بک، مصر مفتی سابق شیخ محمد بحیت، المنار غزنه سنک صاحبی طرابلس شاملی شیخ رشید رضا، علمادان محمد الغنیمی الفتازانی، ایرن تاجر لرندن مهدی رفیع مشکلی بک، تورک محرر لرندن نورالدین مصطفی بکدر.